



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Divi Bambergenses S. Henricvs Imperator S. Kvnegvndis
Imperatrix S. Otho Episcopvs**

Gretser, Jacob

Ingolstadii, 1611

Jn Caput XIX.

urn:nbn:de:hbz:466:1-41527

In Caput XVIII.

Vi sibi postea successit) Fridericus Cancellarius Pontificatum adeptus, Stephani X. nomen tulit: Non tamen immediate successit Leoni IX. sed interiecto Victore II.

Quin etiam amore) Hunc locum ita emendauimus ex Codice Donauerdano. Nam in Rebdorffensi & Apographo Bambergensi planè depravatus erat, licet neque iam meado prorsus carere videatur.

In Caput XIX.

Ippo in vita Conradi Salici eximiā laudem huic Heinrico tribuit. Agens enim de Conrado, quomodo penitentia ductus fuerit, quod ob inuestigias pecuniam accipere soleret; cum proposito in posterum à tali acceptione abstinenti; de Henrico subiungit. Sed filius eius Tertius Henricus, qui postea Rex & Augustus effectus est, optimè ac sine omni scrupulo patrium votum expiavit, in omni vita sua pro omnibus dignitatibus Ecclesiasticis vnius oboli premium non dicitur adhuc accepisse. Exstat in Codice Viennensi inter Bambergensi Ecclesia concessa Diplomata, aliud huius Imp. quod adscribere placet; ut videant sectrarij, quām Romanis Imperatoribus nihil cum Lutherano & Caluiniano spiritu commune fuerit.

In nomine sancte & individua Trinitatis, Henricus diuina sauente clementia Romanorum Imperator Augustus. Scimus, ac perfectè cognoscimus sublimationem Ecclesiarum projectum parere animarum, quia dum terrenis caelestia, temporalibus sempererna comparamus, cælestem ac semperernam requie animabus nostris preparamus. Vide nouerint omnes Christi nostriq; fideles, tam futuri, quam presentes, qualiter illi, spe inducti, donauimus pro remedio anima nostræ, dilectæq; coniugis nostræ scilicet Agnetis, nostræq; prolis Henrici, seu parentum nostrorum, pro pace & stabilitate regni, decimum mansum, rectamq; fructuum decimationem totius regionis in finibus Vngarorum gladio ab hostibus acquisita, in pago Osterreiche, ad alter

tare S. MARIAE in Heimenburc, & tertiam partem utilitatis vlo modo de eadem vrbe prouenientis cum omnibus pertinentiis & utilitatibus; ea videlicet ratione, vt Prepositus Fratrum inibi Deo seruientium liberam debinc habeat potestatem possidendi, precariandi, commutandi, seu, quidquid libet, ad utilitatem prefatæ Ecclesiæ indefaciendi. Et vt hæc nostra traditionis auctoritas stabilis & inconcussa permaneat, hanc chartam inde conscriptam sigilli nostri impressione, & proprio manus confirmatione iussimus insigñiri.

In Caput XXII.

N obliuionem non conueniant) Post hanc capitum huius clausulam, adiungitur in Bambergensi Apographo sequens historia,

Et, si quis scire desiderat, quare glorioſſimus Imperator Henricus claudicauerit, cum primum corpore toto sanus fuerit, banc causam nonerit. Cum ipse quodam tempore venisset in Apuliam, pro disponendis Reipublicæ negotiis, peruenit in montem Garganum, in cuius crepidine sita est * lauitas, & in latere montis in rupe concava, est basilica * planities. non ab hominibus fabricata, neq; per hominem dedicata, sed operatione diuina vel virtute exstructa: mirabiliter etenim diuina benedictione venerabiliter consecrata est. Huius basilice exstat Patronus Michaël Archangelus. In hac etenim Ecclesia, qualibet hebdomada cantus angelicus, ab his, qui digni sunt, audiri perhibetur.

Hanc itaq; Basilicam, orationis causa, cum ceteris Christi fidelibus vir Deo deuotus est ingressus. Cumq; laudes diuinæ inibi celebrassent, & vota precum suarum cum multa deuotione Deo reddidissent: tempus iam aderat, quo cœlestis exercitus ad laudes Deo persoluendas, templum hoc sacrum fuerat ingressus. Itaq; cum omnes egredierentur, & qui moram facerent, expellerentur exire; vir sanctus postulabat, vt ei intus remanendi facultas concederetur.

Igitur omnibus egressis, solus ipse, sperans in misericordia Dei, inibi manere preſumpſit, & preces precibus continuauit, & genuum flexiones iterauit: in quo multis lacrymis diuinæ se commisit clementiæ, & animam suam beato Michaëli Archangelo cum multa supplicatione studuit

M 2 commen-